



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt XVI. Spem Christiani pugnantis ex manibus crucifixi pendere
debere.

[urn:nbn:de:hbz:466:1-46059](#)

quisquam dixerit meticulosius: Esto, perdidit ille quidem magnam potestatem superiorum apparatus: sed ego in his insimis dego, hic me queat habere in potestate; ideoque opus est ut seruam illi.. Noli falli, non te Dominus tuus, & sic te nouit, ut & capillos tuos habeat numeratos. Quid ergo times? tentaturus est ille fortasse carnem tuam? flagellum est Domini tui, non potestas tentatoris tui. vult nocere saluti que promittitur, sed non permittitur: ut autem non permittatur, habet caput Christum.

CAPUT. XVI.

Spem Christiani pugnantis ex manibus crucifixi pendere debere.

IN hoc igitur capite omnis collocanda spes nobis, atque ad eius in omni conflictu confugiendum auxilium est: sub huius alis & protectione victoriam sperare licebit, quemadmodum scriptum est: Scapulis suis obumbrabit tibi, & sub pennis eius sperabis. Scuto circundabit te veritas eius, non timebis à timore nocturno. A sagitta volante in die, à negotio perambulante in tenebris, ab incursu & dæmonio meridiano. Breuiter monstrat pericula quae nos circumuallant, sive prosperis aduersis que rebus, sive per ignorantiam, & clara etiam illustri que scientia, per cupiditatis astutum ut diffisi nobis, à potentiore quæramus auxilium. S enim in nobis ipsis spem victoriae constituerimus, succumbamus necesse est. Quia maledictus (inquit Prophet) qui spem ponit in homine, & firmat carnem brachij sui, & à Domino discedit cor eius. Quo loco nomine carnis intelligenda est humana fragilitas: ut si fit mare censeatur carnem brachij sui, qui potentiam fragilem atque invalidam, hoc est, humanam, sibi sufficere ad vincendum putat, nec adiutorium sperat à Domino. In hac carne qui ædificium iustitiae, velut in arena, conatur

Psalm 90.

Psier. 17.

conatur exstruere, cognosce ex Euāgeliō, quam habeat
aduersus diaboli machinamenta firmitatem. Venerunt
(ait) flumina, & flauerunt venti, & facta est ruina do- *Matth. 7.*
mus illius magna. A postolus autem cūm ædificare su-
per petram maluisset, gratias agit Deo, qui dat nobis vi-
ctoriam per Dominum nostrum Iesum Christum: ut
victoria qua peccatum vincitur, nihil aliud esse videa-
tur, quām Dei donum per mediatorem Christum, quo
in ipso certamine liberum arbitrium conualescit. Sic
itaque nos benignissimus Deus in libertatem afferuit,
ut deinceps tamen in omni certamine, suo nos ab auxi-
lio pendere veller, crucemque spectare. Quod esse fa-
ciendum cūm fidelissimus gratiæ prædicator Aposto-
lus pulchre perspiceret, Mihi (inquit) absit gloriari, nisi *Galat. 6.*
in cruce Domini nostri Iesu Christi, per quem mihi
mundus crucifixus est, & ego mundo. Gloriari ergo de-
re quapiam, non nephias omni modo esse duxit. quid
autem est, quod gloriandi causam præbeat iustiorem,
quām de dīabolo & peccato parta victoria? sed ne hoc
ipsum cuiquam nisi Christo tribueretur, & in alio ali-
quo de hac ipsa victoria gloriaremur, hīc se principem
aducem præbuit Apostolus: vehementer hoc sūi ex-
emplo commendans, ut alienum vellemus à nobis esse,
gloriari, nisi in cruce Domini nostri Iesu Christi; per
quem prorsus, ut illi erat, ita nobis crucifixus est mun-
dus, nosque mundo. Non ergo in nobis nostraque in-
dustria, sed in Christo atq. eius cruce spes victoriæ po-
nenda est. quæ si aliò respexerit, breui labascet ac con-
cider, euentu frustrata felici. Ea res & in populo Iudai-
co adumbrata reperitur, in quo omnis nostra figurata
actio est. Cūm enim Amalech, & omnis cum suo duce *Exod. 17.*
gens aduersa occurreret, bellum rudi plebi indicens,
quam à se credebat facile superādam, consertaque pu-
gna aduersarij plurimum præualerent, extendens Moy-
ses manus ad Deum, Crucifixi instar expressit. Quo

signo cadentes hostes, dum manus Moysi inclinarentur, fortiter vincebant: ut autem ipsius manus stabiles fierent, Aaron & Hur sustentabant. quibus isto modo quadam stabilitate firmatis, cadens fugiensque Amalech omnis extinctus est. Hic ergo si respiciamus, ut debemus, nostri mediatoris signum, cum per David canem recordemur; Eleuatio manuum mearum sacrificium vespertinum; cuius in passione Sol & Luna habitu cursum que mutauit: quis spiritus aduersarius, quaeve inimica potestas, huic signo queat obuiare, ac non potius debilitata metu aufugiat; si tamen spes pugnantis pendeat ex manibus crucifixi, per quem quotidie eruimur de potestate tenebrarum: Sin ad nosipso relabimur, crucemque deserimus, vincamur necesse est, & viribus idoneis, & firmo satis praesidio destituti. Breviter hoc mysterium diuus Augustinus aperuit lib. 11. contra Faustum capite 30. Dicitur (inquit) populus per desertum, baptizati omnes, nondum perfruentes promissa patria: sed quod non vident sperando, & per patientiam exspectando, tanquam in deserto sunt: & illi laboriosae & pericolosae tentationes, ne corde revertantur, in Aegyptu, nec ibi tamen Christus deserit; nam & illa columna non recedit, & amara aqua ligno dulcescunt; quoniam inimici populi, signo crucis Christi honorificato, mansuerunt: & duodecim fontes, & septuaginta palmæ arbores irrigantes, a postolicâ gratiam præfigurant, populos in septenario numero decuplato rigantem: ut per septiforme Spiritus donū, Legis catalogus impleatur: & hostis intercludere molitus via extensis Moysi manibus, signo crucis Dominicæ superatur, & morsus mortiferi serpentis exaltatio & respetto æneo serpente, sanantur. quod verbis ipsis Dominus declaratur, quibus ait: Sicut exaltauit Moyses serpem in deserto, ita exaltari oportet Filium hominis. Hec Augustinus. Nemo proinde sic existimetur à peccati domina-

dominatione liberatus, ut iam non indigeat sui libera-
toris auxilio: sed ita potius ut ab illo audiens; Sine me *Ioannus 15.*
nihil potestis facere: dicat ei & ipse; Adiutor meus esto,
ne derelinquas me. Namque liberatus erat Propheta
Dauid, magna^{que} iustitia & virtute donatus: sed cum
hinc exultaret, parumque perpenderet, non solum ut
iustus ac liber fieret, verum etiam ut liber iustusque
manceret, diuinę miserationis opem adhaerere sibi sem-
per oportere, dixit in abundantia cordis sui, propriæ vi-
delicet præsumptione virtutis, insolenter elatus: Non
mouebor in æternum. Putauerat enim suum fuisse bo-
num, quod ei sic abundauerat, ut non moueretur; ve-
rum ut ostenderetur cuius esset id bonum, de quo tan-
quam suo cœperat gloriari, paululum gratia Dei dese-
rente, admonitus dicit: Domine in voluntate tua præ-
stisti decori meo virtutē: auertisti faciem tuam à me,
& factus sum conturbatus. facilè ut hinc appareat ne-
cessarium esse homini, ut gratia Dei non solum iusti-
ficetur: verum etiam cum iam fuerit ex fide iustificatus,
ambulet cum illo gratia, & in eam incumbat ipse, ne
cadat, ut gratulabundus, & de euitata ruinalætus dice-
re cum Propheta possit: Impulsus euersus sum ut cade-
rem, & Dominus suscepit me: fortitudo mea & laus
mea Dominus, & factus est mihi in salutem. Vox exul-
tationis & salutis in tabernaculis iustorum. Dextera Do-
mini fecit virtutem, dextera Domini exaltauit me. Ipse *Iauius 46.*
enim est, quemadmodum alias Propheta scripsit, qui
darlassis virtutem, & robur multiplicat: deficient pue-
ti, & laborabunt, & iuuenes in infirmitate cadent. Qui
autem sperant in Domino, mutabunt fortitudinem,
assument pehnas sicut Aquilæ; current; & non labora-
bunt; ambulabunt, & non deficient.

*Ambro. lib. 3.
in Lucano.*